



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六二五

朱九江先生集十卷首一卷 朱次琦撰

一

荻芬書屋詩藁四卷荻芬書屋賦稿一卷荻芬書屋試帖二卷

荻芬書屋制藝一卷 董恂撰

一一一

荻芬書屋文藁十七卷 董恂撰

二六三

鐵華僊館集六卷 秦賡彤撰

三四九

鐵花山館詩藁八卷首一卷 吳兆麟撰

四三三

駕雲螭室詩錄六卷 周文禾撰

五二九

駕雲螭室別集不分卷 周文禾撰

五八一

水西詠雪齋詩藁六卷 趙炳文撰

六二七

朱九江先生集

卷十

朱九江先生集

朱九江先生集

總目

序

卷首之一

年譜

卷首之二

目錄

卷首之三

詩序

卷首之四

詩

卷一至卷五

文

卷六至卷九

附錄

卷十

朱九江先生集

總目

卷首



朱九江先生集序

卷首之一

學者問曰閣集之始也後人集之而非自爲集也朱先生既沒十有六年而未有集何也朝亮曰蒐之未備既不得逮又時將有待也然遷延之罪固自知之矣學者通出其所得詩文百篇有奇又有數策錄所聞者附曰然虛適檢其所得曰詩文非先生之作而妄僞爲先生者十二焉若夫所聞則不能無異自古而然者也烏庠悲哉先生既沒赴至朝亮父喪方釋以師喪固所奔也戴星而行及至既斂將蓋棺家人聞來哭止之遂入哭猶及見先生面如生也行省兩院爲文祭之曰明不自翹遺書有無朝亮聞之而悲夫先生有書而無書也先生之明終不可以沒也先生七十有一朝亮在其門冬歸成昏禮反而晉拜

朱九江先生集

序

卷首

先生賜之酒既侍飲敬問先生著述舉所以欲爲書者而答曰年凡七書而自謂於儒宗性學發之而爲政術尚之而爲風俗得失雖微卽于中國人倫之大天下疆弱安危所存者則尤屬意而不敢草草焉及先生七十有五語其家人將定業以成書亡何疾作酒屬其葉踰月而沒此有書而無書昔人以服程子之明而先生繇之者也雖然先生之書未傳於人而先生之行之言人固得而見聞者矣况其莫年講學上辨古人下窮今日其所以勸告者必其所以欲爲書之精意豈猶有隱而不宣者庠先生講學膏陳時病力闢其非以簪擊案曰卽如著述當在斯也然則先生之明已傳者精意未及傳者文字爾古有脩身教士生平不著述一言者而其言終布於天下士大夫得以自

艾婦孺得以交俾史氏賴其言而一朝時論之是非適定若是者何以至斯也有表其傳而書之者也此無書而有書也先生既沒踰年同門將表其傳屬議爲書朝亮方母喪未獲承也服闋後感其意嘗欲爲先生年譜一編勞人事久之未成遷達深居默坐憶當日席間所兄聞者愀然有感雖風雨中夜猶必書之懼將失也雖書之而不敢遽以豚人懼其或失先生意也語未及終學者視抱以思適曰請成年譜以豚吾學者使無惑於所聞且先集詩文其所未得蒐之可補也孰與屬其正者而投其妄者庠若此之時能待者幾何庠朝亮以學者之請固衷於誼而不敢辭也然踴躍久之之蓋以誼之至大將卒爲之苟一言之失斯獲戾矣將不卒爲之使先生不彰其獲戾者猶小使

朱九江先生集

序

卷首

天下不得聞先生之行之言而皆失所從其獲戾者實大矣既不可已遂許之自夏徂冬集有先生詩五卷文四卷暨書先生事者附錄一卷適成年譜列於卷首庶讀集者先有攷焉詩繇先生家人所得原略有次今仍之皆二十有五以前爲之也文繇先生家人所得暨宗人已聚者今攷其年類而次之壯年者罕大都四十以後爲之也繇詩而文遞推終身故以爲次亦韓集例也年譜自三十有人以前據先生公車紀程暨其家人所得紀年事略以後據先生在官日記襄陵碑錄暨先生手定門人文卷也年譜以年爲次而有先叙台敘使其文不散者左傳編年之書已開其例也論語詩可以興陸稼書謂觀朱子年譜可以興今年譜錄詩則誦詩論世其所興者不勃然爲風之自

庠詩繇天性野人歌謠今猶於古百世之後微問如何詩必不絕先生爲詩誼原三百如古之詩人非今之詩人所可囿錄其大者可厚人倫固先舉以詩篇爲年譜之風也年譜例錄文譜居集前祇錄其題今或仍錄其文與詩同列者譜普也風誼之高欲普見其凡也先生年譜人譜也書其可書不可以常例書也學者問曰今譜之言其必古人未有者序曰是不可以不辨也昔者顧亭林爲日知錄自謂古人所先有者創之今攷其書章句名物之微其自謂者略是矣然其書之用不係庠其微也凡所言天下大義則其書之用存焉皆古人所先有而顧氏申之者也夫既申之則古人之言始終復明天下雖有邪說而不能蔽若不申之則古人雖已言猶未言也歷世以來獨立不懼

朱九江先生集

卷首

之君子天下所爭言而一人不言天下所不敢言而一人獨言皆申古人之誼以勸後人之明何者天下之變無常變無常而誼有常君子得其公誼續其公言無不字驗也不知者礙曲誼以爲新矜小言以爲斷謂之古人未有焉其於天下不適害哉既而學者羣請曰書成吾學者傳錄之難且易請今備梓費請

光緒二十有三年冬至日 門人順德簡朝亮謹序

蓬萊先生詩文今未竟得而待補者
代光緒軍請家陵臨汾水田賦照東
南升科捐數西山神聖像文晉聯對
廟樂賦三聯五易十可今八可征奏
記光氏功臣三世家傳黃木海觀海
詩今具錄題以與諸君亦以免後收

朱九江先生年譜

卷首之二

嘉慶十有二年歲在八月辛卯二十先生生

先生諱大琦字稚圭一字子襄先世子議居南海九江方明祖龍興設不爲君用之罰子議終身傳元處士不改度焉七傳至夔州知府讓仕萬歷時以治行第一拜聖書之賜詳通志廣州是爲先生八世從祖讓孫實蓮以戶部郎中受特勅與陳文忠子壯舉誼高節高明 皇朝賜諡烈忠列傳是爲先生六世從祖父贈公成發贈如先生秩蘇人有主於公者年七十歸休以佗人所負三千金俾公自收之公賜諾四千里外卒反其金嗜觀即報災患必歎嘗謂諸子曰凡人有力在己而不及人非天命富貴意也汝曹識之矣母張

朱九江先生集

卷首

太宜人知文史族子爲盜魁賊贈公歸屢言索之金太宜人語贈公請與諸子佗適既行盜夜噉叔門太宜人扶燭持燭出從容詰曰噉叔者誰何遠也叔偶出盍入而待之闔閭納盜魁其黨數十人臻於門外盜魁踞上坐解佩刀鋒然太宜人噉婢論若復詰噉叔何居盜曰將亡命假數百金門外盜皆謀應太宜人正容曰汝僂叔屬雖遠猶骨肉也有急當告我何遽若是迺入探叙珥數事解腕中條脫益之曰汝將去不足可復來何待叔也盜大慙竟棄去繼母關太宜人辦諸子如腹出先生嘗病十旬閉齋忘勞體爲之敝伯兄士琦與先生同舉於鄉能詩以粵中西江水患繇沙田石壩上書大府議除其患詳南海縣志仲兄炳琦季弟諸生宗琦叔者先

生也

十有三年歲在庚辰先生年二歲

先生周昨甫學語張太宜人抱諸卿上授以唐人絕句代小兒歌謠

十有五年歲在庚午先生年四歲

張太宜人問曰兒願多錢否曰不願願高官否曰不願何願曰人盡愛兒兒則願爾

十有六年歲在辛未先生年五歲

冬先生始入塾受書叔諒脩先生既自塾歸夜寒雨雪張太宜人籍先生寢簪火溫衣先生遠曰如今窮人可念也

十有八年歲在癸酉先生年七歲

朱九江先生集

年譜

二

卷首

先生能爲詩

二十有二年歲在丁丑先生年十有一

贈公腹疾治之不瘳先生幼惶恐手疏祝靈陞搏頰流血贈公遂瘳

二十有四年歲在己卯先生年十二

先生同里曾勉士廣文說先生幼敏以先生調制府儀徵阮文達命作黃木灣觀海詩文達驚曰老夫當讓此子出一頭地過子彩旗門作矣罕經室集有作備

道光元年歲在辛巳先生年十五

冬十有一月丙辰張太宜人卒先生執喪居先廡東廂杜門三年默思而純於是強識踰素巨簡之書循既者三輒誦不

忘

四年歲在甲申先生年十有八

春二月先生服闋肄業羊城書院山長謝里甫先生能書嘗曰書雖小道非僞悟者不能通其意吾友教歲數百人僥學此者朱生而已迺投筆濳辟叩詔之曰實指虛掌平腕豎鋒小心布翼大膽落筆意在筆先神周字後此外丹也手揆筆頭重此內丹也又曰晉辨神姿唐講閒架宋元以來尚通峭之趣矣然神物無蹟易於羊質虎皮以趣勝者即有所成祇證聲聞辟支果耳不成終身遂流魔道不可振抹初學執筆折中社弊其諸顏平原歐陽渤海間摩礱是先生工八邊

先生幼而端靜彈碁六博諸戲不一游目讀書之餘略求八

年譜

三

卷首

澁而已凡書百家耽讀宋市典衣如不及閭閻弄家有其書

婉借之必得適適

夏先生赴院試如功令不挾一字先生連試席者執綉家子也倩遞失排律迺出金條脫乞作維荷及藹詩先生不

納

七年歲在丁亥先生年二十有一

夏常熟翁文端來督學先生試皆第一補邑弟子員再試之日先生囊筆入文端命升堂屬筆數行輒先取眠點首而誦比莫業未脫文端親然蠟炬勞曰勉竟若長毋躁也

先生念母不已過先孺人墓詩云頭顱爾許人猶昔愴絕人閒二十年

邑人李孝廉鳴韶先生總角舊也欲爲賁郎先生贈詩風之云名士貧來有宦情聞諸先輩李輔平吾道貧非士也苦苦以無力振貧故錦衣怒馬僕曼胡君昔視之不如奴歛然欲起六月息身落南蠻心注北芭蕉戰雨碎可憐仍題江薩障蘭蕙宏獎之風近來少休文休進彈蕉表

新疆回部張格爾久爲亂至是猶未平先生有感詩云敢以烽爲戲須明國有權整疆光舊物不擬勒燕然又云廬藏寶先事安危在正供似聞司會議有藉世時雍

八年歲在先生年二十有二

秋先生赴鄉試將試先生檢舉子業曰韓退之云既爲之欲有所就已而報罷先生讀書窮理自若也曰朱子云非科舉

朱九江先生集

年譜

四 卷首

累人入自累耳

九年歲在先生年二十有三

春正月丁巳贈公卒先生執喪居先廡東廂絕不爲詩文血

誠致哀三年如一日

十有一年歲在先生年二十有五

夏四月先生服闋

十有二年歲在先生年二十有六

先生肄業越華書院山長桂林陳蓮史先生一見異之曰天下士也嘗以天中節燕諸生命賦新松先生詩云棟材未必

千人見但聽風聲使不同陳先生爲吟諷者久之

秋先生赴鄉試報罷有以幸僞告者先生曰不勤而祿死望

而得唐李景讓之母所以憂也吾今事母奚可幸庠十有三年歲在先生年二十有七

邑人徐大令台英佩章與先生交先生曰佩章爽直人吾執友也故先生於大令風誼尤勤大令長吏才會試報罷情聲將資之俸借一官先生獨止之夏五月寄徐子都門詩云一第窮人信茫昧十年養氣從掀採京雒編摩自古嗟君有素衣無恙否大令得詩遂止先生之詩古所謂執友傷其仁也

開其事 國史館立傳未陽人祀之廬士元祠

朱九江先生集

年譜

五 卷首

夏五月庚辰大水隄決李邨先生奉闕太宜人緣岡避水先生赴李大招飲百韻詩追賦之曰暮報西嶺至五月日在庚降割方勒凶洪口決李邨嗟嗟十二戶原注地名盡室爲魚鼈比鄰聞號喚誰知其死生我家三百指乘屋如鷄踣膳飲飲面炊雞狗鵝頭眠高漲更未已滅沒驚我顛昏黑扶老孺一一下破船室人莫涕泗我有好弟昆緣岡互房廬足以相援攀可憐非杞工尾掉船頭橫浪濤涉中流上有星月明喜達賢主人舍我在高閭色定見憔悴老親躋額歎弱妻授我食執箸不下咽脫我掉中衣易我犢鼻褌展視著股處血痕已朱殷憐惜不出口泣隄淚漣漣搖手使勿聲吾母腸斷問民生正摧挫我敢自求安願以膚髮勤易此骨月完知詩者以是

爲杜子北征之遺也

爲大水故撫軍上元朱莊恪行旣勦分且周士焉勦分三君子鄧璧堂觀察區仁甫考功何樸園職方皆以先生對先生館西郊莊恪將就見之屬考功申憲先生固辭曰生方赴試不敢涉嫌貽口實也適不果制府涿州盧敏肅遣吏徵寫先生詩敏肅曰天下雖大人才有數敢不勤之序嘉興鐵給事儀吉來粵年已七十聞先生名就見西郊於後序先生詩九江少穀豐魚桑先生謀於鄉迺建義倉大水之役舊口替替先生食之也

十有五年歲在乙未先生年二十有九

頭相國詒書盧制府言選高才生肄業學海堂於是選者十
朱九江先生集年譜 六 卷首

人先生爲舉首先生以疾辭不赴

田祖有神曾孫所以思古也先生蝗蟲歎詩云回首

仁皇晚季時不在人間在天上

白華之絮孝子也祿不逮義孝子之傷也先生客中雜憶詩云矣梯古有戒奉楸世亦賢審知出處誼固以父母年壯且

不如人此後空可憐

采蘋灘度季蘭尸之今猶多先王之澤庠先生守歲與閨人夜話詩云高懷吾媿汝卒歲恥言金原注宋真山民詩貴無可具恥言金

十有六年歲在丙申先生年三十

先生館邑六榕寺同舍生謂之曰君論事不易聞及聞之則疏析鴻臚備以古事意豁如也賈長沙馬賓王君之倫也

十有七年歲在丁酉先生年三十有一

秋先生赴鄉試獲薦試文用史主者以蠱棄之報罷主者發卷賦其名適先生也悔之先生俳體戲答友人問詩美人秋心道其事也

九江周數十里如 功令建鄉約所薦鄉先生司約焉龍

雜之居君子不樂就也陳大令信民梅坪惟先生一言而就里門羣德靈蹟藉蹤武舉某老矣猶縱博爲姦利先生首謀於大令曰鄉患惟甚梅坪其可已序適鳴官實之遽先生感事詩云數百容公輩其如扞網終敗羣愁害馬亂眠飛蟲事以心平定機先目聽聰不文嗟絳灌論本來空蓋感於斯也

朱九江先生集年譜 七 卷首

冬十有二月癸丑陳大令卒先生寓書馮愛之孝廉籌卹都門曰陳九身後無子寡妻弱女慘慟鳴號近識遠交異聲同歎至乃里父村僮僮姬走卒亦用惘然昔一國輟音春者解哀五穀百身可贖詩人以痛三良以古方今伊其信矣吾兄儻亦有聞而心側者邪適者總轡虛掩四壁風颭食蓼將茶不言而喻竊意渠同年世舊官京朝赴上計者咸萃都下得否會知聞賻遲速叨收嗟乎東里西華有後選任君之殉素車白馬舉喪遲范叔之來讀者感焉故事捐紳卒於鄉未有籌卹都門者大令名進士賢而有文重以先生書故勸舉而人從之郵數百金卹其家是歲鄉人岑續熙卒母劉年九十矣家貧遺幼孤五男二女先生以布鄉人卹亦忘亡也

十有八年歲在戊戌先生年二十有一

邑學三舉優行先生爲舉首皆不赴先是列優籍者多納金

先生以士望得之猶謝去

十有九年歲在己亥先生年二十有二

夏五月大水鄉陞潮危先生與孝廉馮愛之明次卿馳赴之

列丁夫豐餉稿埤黏土棄狀連雲萬村陸作越四日而陞復

完當是時風雨暴來飛濤及面足下洶洶作聲鄉人色駭先

生山立而莫之皆相慶也陞趾故多叢莽築者疑畏先生手

抹其上曰歷決地且緒焉豕骨何有如彼不諱惟子之崇適

卒工鄉人以多先生而先生不居焉先生憫潦呈兩孝廉詩

云大隄如壁城浮肥同輜毛延緣一綫泥障壅千丈濤是時

朱九江先生集

年譜

卷首

萬家命呼吸人鬼交又云呼惟此邦人真不可與明不自有

其土樂禍如佳兵費我借箸籌無算稿情是地豈閒田虞

芮兩勿爭不爭事猶可不救瘡痍成三五垂白叟叩頭厥角

崩藉非明公惠百室魚頭生

先生常曰天於兆民之中獨畀一二人才蓋兆民苦樂皆寄

之矣父傳業而先長子所以字幼也徒竭吾才自爲計何異

吞產棄親傷其父命天心不其然也吉凶與民同患聖者出

之安賢者體之勉當官舉其事下士盡其心又曰人必思所

以自居衍衍度日生無益於時死無聞於後雖活百年猶殤

子爾

秋逕陽張文毅江甯潘忠毅來典試先生與伯兄同舉於鄉

時人僞之曰南海明珠同時入貢矣

冬先生與伯兄北行會試抵清遠縣寄季弟宜城書曰五弟

無恙征期既邁逾逾十晨願言之懷昔人所嗜愛而不見如

何如何吾弟內娛諒背外隆德聲雖曾與留指而勸操召南

樵山而振傳絮其勤勞無以喻之也歸東裝後待友佛山鎮

兩日適得成行舟師謳櫓若汎舄鷺游子寄音眇望魚雁是

夜宵半衝風驟激顛波瀾元雲霧空夙夕不解雨雪告零

先集爲電曙發虛包之訊莫宿黃巢之磯嚴霜隕而葭葭淒

元冥深而若英晏電顛之灘迷茫津遠龜手之藥歎割瘡

水工行路之難說我端倪矣家累凡百弟克當之同脫舊鄉

心魂慰藉惟吾弟續昏一事軫結未忘上有黃髮罷勞晨夜

朱九江先生集

年譜

九

卷首

下有難稚喚咻暖笑茲事之亟豈煩觀繡願鄉土是語亦云

省便而此邦之人內教陋壤習錮既久庸計門戶宛宛處子

或有季蘭之好悠悠靡俗恐入齊咻之教天下多美何必是

求權與弗戎後悞焉集行子過計是用樓樓風水遷避行郵

遂淹以今二十七日到清遠縣兄弟健好餐飯猶昔兼多徒

侶解譚憂虞諸誠家人勿我爲念從茲度嶺浮游西下楚歌

千些湘波萬重背湖涉江釋舟趣陸更復馬首斷雲千里隨

夢雁足飛雪崇朝灑襟七聖皆迷之野惘惘而驅車耦耕不

綴之鄉栖栖而問道山川今杳息影何時靜言思之百憂集

矣夫人情迹接則多忘景逝則恆憶歲華不居游諸未極往

時家衡羣從如龍齊居盤盤言笑晏晏東方未明已對牀相

語西柄之揭猶露坐未眠詒維紛起聲與百舌競變勝詠積
飛酒微一斗亦醉魏文有言當此之時忽不自知其樂也蘇
今以思曠若星漢擬諸形容尚繪心目每當落帆江汜擁衾
無寐清角朝厲游鴻夜吟我懷云勞不可說也自惟寡薄豈
辦任官此行邀福或叨一第思遂南歸寄迹丙舍將吾叔仲
長奉板輿對鵲占門徒魚築宅陸機之屋不問庠東西何點
之山略分庠大小時及斯篇言羅雞豚祀先之餘兼以達客
雖甌生塵而日晏風吹簾而歲寒而風詩教睦取鹿食之相
噉金石歌商結鵲衣而不恥明明如月長照其素風溫溫恭
人永垂爲家澹閉門養親至於沒齒雖三公上衮百城南面
何以易此哉其計我虜非敢望也有問訊者達此靈言音塵

朱九江先生集

年譜

十 卷首

未積風雲逾闕家食餘閑幸助光采勢人草草筆不抒心讀
者皆曰天倫之至文也

二十年歲在庚子先生年三十有四

春先生北行次德州作塵沙行詩會試報罷旅都門高平祁
尚書數請相見不至又屬梁編修因琮何騰錄鼎彝申意曰
朱孝廉子撫粵時書院首選士也先生復編修等曰尚書遇
我厚矣願以素士見則分有不敢以門下見則義有不安請
謁之誠願談佗日

二十有一年歲在辛丑先生年三十有五

春先生會試報罷旅都門先生自北旅以來居邑館詠珠堂
時借書士大夫家昭代憲章名公行實采獲之勤申旦不寐

倦迺幽尋翛然獨往車馬造門者一刺報之而已先生游良
鄉作題壁詩集中之詩終於此作秋先生南歸

二十有二年歲在壬寅先生年三十有六

先生居南沙陳氏賓館嘗語其學子曰處子耿介文選注處子處士也

二十有三年歲在癸卯先生年三十有七

先生居陳氏賓館有勸以選教都會者先生笑而不答迺報
家人書曰以周公之上聖日讀百篇以孔父之多能韋編三
絕學者殖也不殖將落况庸虛如某者子某非不知遷地爲
良或可多出僑石然學子百輩終日卒卒豈復有須臾暇耶
今孝廉船便冬杪復假計偕萬一僥幸此身遂非已有爾時

朱九江先生集

年譜

十一 卷首

雖欲假片刻餘閒補平生所未及那可復得昔范希文以先
憂後樂爲已任讀書長白寺垂十年畫齋而餐斷齋而食雪
案無寐燔敗葉自溫孫高陽作諸生授書闕外年四十矣布
衣徒步往來飛狐倒馬間數從塞下老兵問陝塞險易士馬
強弱之數是一君子者伏則泥濘出則蓬蒿發皇耳目驚爆
天下非偶然也某雖無似志事豈後於古人是用辭富居貧
使故業可理然且廣廈細旂我冠坐論供養過二公遠甚恐
將來藉手不中與二公作廩養僕耳凡此懷懷不足爲外人
道也遂銘成言於坐隅曰我輩常人分陰當惜儒者所恥一
物不知

陳氏康饒餅先生舉以詒所知而不歸其家人所知問之先

生曰是不宜母疾者也婦子獨餉母雖安之吾何以自安庠故先生之事關太宜人也繼母如母動於其天一器一役喜躬親之如孀兒之爭承母不以壯佼眠也母疾有所求雖風雨跣足衣短後皇皇而赴其求也

或曰頻年河決東南多大水何也先生喟然曰宋蒲宗孟有言臣陰象兵陰物夷狄陰之方佞邪陰之黨姦臣陰之極惡今觀之兵燹雖衰羣陰何如也

冬十月先生與伯兄北行會試庚申祖道爲文祭之曰曩游萬里跋履風塵南浮北走起憊亨屯匪曰予智惟依於神三年不鳴又及茲辰昔丞相宏謁公車者再迫欲求伸絳節經術噓點千春亦越昌黎兩舉有聞爲古碩儒爲時貞臣是二

朱九江先生集

年譜

士 卷首

君子一藉一薰子矢諸夙夜神知其勤於戲不可知者遇不可信者文不敢負者學不敢玩者身風飄車偶江汜河濤尚勵相子宏濟關津

二十有四年

歲在甲辰

先生年三十有人

春先生與伯兄會試報罷初先生北行乏資斧溫氏富人奉重金乞譬冀大書先生不納滿藏書而行繼母關太宜人於其行也簪髮飲酒命二子曰予宿羸疾猶自適也行矣毋予憂既行人之疾革春正月丁酉關太宜人卒未葬待公車之二子也都門既遠凶問又紆不相直焉邑團拜日先生心悸小憩夢衣冠髯丈夫數謂之曰君胡不歸先生異之已而報罷伯兄旅都門先生南歸秋七月甲戌先生至自公車及門

聞喪嗟號哀絕三日勺水不入口咯血殯前仲兄懼迎族叔知醫者曰明著先生哭謂明著曰背親鬻榮卽於大故不孝之人人天斯絕尊者何用生之虐又哀絕遽見二毛毀甚既成服止草居西廡方退暑溼蚊蚋家人設敝帷席先生磨去日吾母今獲安宅邪比葬先生歔齋寢苦於地者五越月冬十月乙巳有采虹垂於其家魚池尤華耀然終朝適已觀者歎曰孝通之徵也

二十有五年

歲在乙巳

先生年三十有九

先生執喪居鄉正覺寺喪食三年家人嘗以肉進先生不卽卻旋以畀其門者

二十有六年

歲在丙午

先生年四十

朱九江先生集

年譜

士 卷首

冬十月先生服闋繼母之卒先生五越月而聞喪故於是月也服闋

二十有七年

歲在丁未

先生年四十有一

春先生與伯兄北行會試先生成進士卽用知縣籤分山西初先生之試與貢士焉遐邇聞名之一甲及廷試方日映主者遽趨卷試者乞緩或揖之先生以屈節非士也非所以爲出身地也卷未完呈之而出邑先達在官者聞之惜其才問追之使完卷先生不服闔不顧也先生少日書趙鳳北年譜詩云男兒自有千秋業堪笑平生志大魁然則先生之志皎然已豫矣

秋先生假還宗鄒來賀先生曰科名適然耳爲官諱何容易

今而後何以宣

上德何以達下情諸君子殷勤教誨

幸書紳作活人經也

二十有九年歲在己酉先生年四十有三

春正月先生之官山西不挈家而行丁酉朔道爲文祭之日

某惟不佞行囊未揚奉先臣之清白飲下士之獨章敦學公

車一對明光乃荷

丹毫遂縮銀黃俾汝救民唐魏之憂

假還不日待罪方將星言首徐吉日辰良神尚相于興行四

方思敬楫於大川敢聘轡於康莊守道守官民獲民康夫惟

捧檄重眷維桑故山醫醫宰樹行行昔宋相籌邊屢吟想於

圭峯月下人龍開濟亦倦焉於歸臥南陽蓋馳驅可以許而

父母之邦良用不忘也於戲肅肅

王命悠悠天常日

朱九江先生集

年譜

十四 卷首

月照臨臣敢懷鄉旣行次漢口先生欲取道汴梁以舉主潘

忠毅方爲豫撫嘗爲晉藩將問晉政於藩公也道過所知宦

楚者咸迎謂曰君往汴梁邪今晉撫與藩公同鄉同年深有

雅素今首府亦藩公同年也得此先容賢於十部從事矣先

生遂不果往於後寄兄弟書且自訟焉曰昔晉人欲加禮於

王丞相馮懷以問顏含含不答退而有憂色家人問之曰吾

聞伐國不問仁人曩者馮祖思問佞於我我豈有遺行與今

茲之事某不敢薄今人也惟媿省身克己恨氣淺薄使別嫌

明微之操未能卒白於天下皆某之罪也君子立身行事當

昭昭如日月之明離離若星辰之行微特較然不欺其志而

已安能隨波靡犯笑侮招逆億以察察之躬爲當世所指目

耶且卽不敢自作身分而世既未能免俗一槩以相量矣將

或枋柄在手又安能昌言正色直己而直人耶冬十有一月

丙辰先生抵太原城微次僧舍蕭然獨居出則徒步入則齋

鹽所啖一僕晉中人也先生曰卽地選僕習其方言將有所

訊庶幾吏民無壅虛實有客至適僕出小僧爲持刺入客適

大笑先生答康述之廣文書曰昔魏敏果官京師不攜眷屬

王適洋尚書作戲詩嘲之云三閭無佛殿一箇有毛僧今有

佛勝環翁遠矣自是先生在需次五年或訊獄獄局獄無留

者

三十年歲在庚戌先生年四十有四

先生在需次適歎吏事之難鮮討求者寄伯兄書曰人人以

朱九江先生集

年譜

十五 卷首

一官樣作官民生何賴焉先生適自重蒐武備倉儲河渠地

利諸書雖游宦如游學也

咸豐元年

歲在辛亥先生年四十有五

先生在需次晉中多士爭從之游先生卻其摯與之言學如

古士相見禮無敢以私干者撫軍兆那蘇圖時所倚世襲一

等子鑲黃旗松崖兆公也其先人從

龍入關列功臣

選兆公知先生善屬文衙參日留燕先生兆公拜於筵下乞

作先人三世家傳先生不獲辭攷其功載屬葉以獻兆公嘉

之命吏歸羊酒貂綿朱提五百玉虹鏤眞帖先生皆不受吏

難於反命以聞之藩忠毅時藩公方左官晉泉也遽使人謂

先生曰卻長者之賜何以爲恭庠先生適受一帖

二年歲在壬子先生年四十有六

初晉北邊歸殺古厥脫地絕蒙古幕南晉邊毗輪租耕其地歲久衆數萬人遂不輸租蒙古忿之約期與門邊毗先期乘夜邀擊殺遂札薩克者七百餘人蒙古控於朝未獲平章咸豐元年冬復控且言將用兵幕南詔責行省迅治

二年春撫軍兆公議剿邊毗邊毗屬言拒捕先生聞之夜見臬司潘公問其事潘公曰兵將動矣先生曰此激亂也今南方盜寇有魚爛之憂又使北方軍與以重兵釁以生盜心中原自此多故矣不如遣一能吏親諭邊毗俾獻罪魁執以說於蒙古此一介使事耳潘公以白兆公兆公遂寤顧念晉員無足任者潘公薦先生曰言者其人也兆公以先生奏

朱九江先生集

年譜

卷首

聞請代平章漢業事夏五月先生銜

朝命馳至幕

南訊其耆老縛罪魁十有三人乙卯衣裘絕大幕及蒙古盟界王出迓曰天使大人何幸來也王迺先馬抵所部將

命王遣人策馬千里走戈壁外市鹽張燕大會諸王咸以抵罪者少未肯解賢先生具宣天子德意且言死者

雖多迺自相蹈藉而死援刑律檢骨遺折之又因其俗言血刃尋仇不如喇嘛禮魂諸王微動諸王中禮福善者嘗居京

邸知詩久慕先生於是因邊王以論諸王殺十有三人而贊解先生之行也挾五臺黃喇嘛德倣以行卒用嚴事諸王說

先生臨喪二百襲謝弗受使還兆公將以知府花翎奏請先生聞之以議發自己且薦自舉主潘公有銜舊之嫌請潘公

爲固辭於兆公迺已會及班夏六月壬辰署孝義縣未赴丙午襄陵縣待署諺所傳金襄陵者也兆公以易孝義笑謂潘公曰朱三兄脂膏不涓易之可也

秋七月戊辰二十先生子身赴襄陵以儒爲治而績成繁囚趙三不校劇盜也介薛令去官越獄奔逃薛令須先生至以相屬先生謝病三日不至盜遂不戒先生陰出重賞購知其所適亟假郡役前半夕疾馳百二十里至曲沃郭南酒家盜方登樓羣飲役前持之盜麾刃死拒斬堅者數人歟而樓上百炬齊環則皆襄陵縣燈也盜迺就縛比邑人迎新令則繫原盜入矣河東歲患狼俗愚謂爲神物不敢擊席氏女將出閨爲所噬訟者兩造盛其一先生憂之募獵戶禽狼獲者與

朱九江先生集

年譜

七

卷首

錢萬宿無獲迺親檄西山神祠民患狼而祀之者也約十日驅狼盡不則毀神滿其地邑人皆恐時方秋肅天迺大霧旬日人得迹狼所至攢火鎗擊之無服者得狼百有七患遂絕邑人不雨先生雪之雨則告足佗邑以雹傷稼邑則大有年既霜降衡汾與梁成潦又至將沒先生禁之則潦退平陽總兵某驕橫拔軍與勢以八百里台符行縣調吉州兵先生曰襄陵至吉州二百三十里雪峰濞谷道險傷行邑故不置驛營有急當發塘兵曷以台符行縣爲遂不納總兵牒大府劾之先生言於大府曰台符妄擾民不堪命其不效南方盜者幾何令甯以誤軍與待罪不敢激民變大府無以難先生下車脩鄧伯道祠崇風教也親教士養中堂讀書日程色笑

朱九江先生集

年譜

六

卷首

而教士皆醉詎忘歸邑試士日皆自校文案夜忘寢獄不輕及士鄉者邑士補弟子員凡五十有二人挈於邑令人率二十有四金犒從四金謂是棚規之助也先生曰是何以處寒峻皆免之適獨棚規錐石學門邑故晉厥壞後稍葺矣有司傳壽告附宿不爲殺輦金千百先生至禁之一緡不事邑民無夜守涂車載金河舟居貨皆真焉先生行夜讓其慢藏里甲曰民固然也先生異之蓋邑有唐風而民孺兄弟因異財訟者不絕先生以骨月之間非佗也吃虧而已且訟決益怨論之歸旋復訟先生憂之已而悟曰言兄弟者必溯妻帑常棣之誼也適訊訟者訊兄兄曰吾友也訊弟弟曰吾恭也先生曰若兄弟所言胡爲虐訟哉必生自婦人也當先懲之

朝廷汝適觀然蹈之庠於是觀者唾罵某媿欲死搏額自罨邑遂無親屬訟殺人囚劉長輻淹獄久先生至適引伏出獄市刑泣謂觀者曰死自吾分恨耶來廷吾致陷此爾平陽西三十里曰平山亦所傳壺口也平水出焉襄陵與臨汾受平水分灌其田豪右龍斷爲奸非有買水券弗予之水無地者擅水之利而有地者反無水於是爭水而鬥者歲百千人大獄數起咸豐元年邑人京控詔以歸行省先生至廉獄事獄成既抵罪活百四十有七人貸數百家先生曰嗟爾邑民利餌於前刑糾於後雖曰不罔民誰欺哉適革其弊定以地隨糧以水隨地之制會臨汾周合履歛兩邑田若稅相直也定平水爲四十分縣各取其半竟內建四綱曰水則水二十分釐八支渠所分灌抵壤廣狹爲差曰用人渠長司水之禁令溝夫察分灌堰長守陡門皆聽於渠長違約者渠長罰之不受罰者有刑誣者坐如律曰行水晝夜有程通閉有節傳牌有部洵河有式動輒有候曰陡門築渠渠上廣七尺下廣三尺門廣一尺其夾深尺有二寸礎石插板銀以書識藉以守謂四綱既舉水利適均凡得水田十萬畝有奇要案錄云十萬人千畝先生且言於兆公曰襄陵水利民捐民脩乞奏請毋照東南水田升科兆公命先生爲奏繫奏上詔曰可繇是地皆水利相生相養民無所爭風俗遂變邑人銘碑頌之先生宰政吏役無以貨爲之者又罷所私獄籌贖其用戒毋受賕吏役皆馴官廚無特殺草具自給市肉共蒸

賓而已募賓治官書殿而後行或更其某先生曰邑令者親民之父母也父母之於子何時何事不可以聞通與民約民以事至則自擊鼓不問旦莫聞鼓則坐堂皇從而鞠焉告無成期狀無成式或不知書口訴可也時出行縣老蒼頭控差衛一吏囊筆札一役負衣糧無佗屬從所至拊循始老辟嘸如家人迎路獻茶瓜果笑取少許俾享其忱民不知有共億也有違訴者索木倚坐道通與判牘命甲摩乙無敢不至民引伏則已常終日不答一人曰細故毋傷夙好也杜門莊士風聽造謠諸民疾苦耳目無窮凡百美政思一一自我行之禁火葬罪同姓爲昏媒保甲新令追社倉粟二萬石蒸蒸嚮治風樸無露優人百戲不戒而遷其所布令質直纖悉

朱九江先生集

年譜

卷首

野夫臧獲皆能道之流聞郡國傳爲美譚

三年歲在先生年四十有七

春二月癸未先生去襄陵在任百九十日及代而去邑人籲大府乞留不獲命舉邑皇皇如失慈母投文字數蓋者絮案舊積離慰遣之弗止也乞留畫像養中堂出署之夕萬眾攀留遮馬首不得前及城門門爲之圯度汾橋橋爲之跪父老持觴植伏餞頂廬相舐里婦鄰族亦繡小兒遠至餽餉跪道乞摩兒頂曰耶試拊之兒好育也距郡三十里遇雨晝夜然後達當龍橋時郡邑弟子襦衫博帶百十人掖輿而過先生遜讓諸生謂與僕固弟子職弗舍也先生既去邑人遽祀之鄧伯道祠旋築祠而祀之晉人郭學士景億曰山西賢令

朱九江先生集

年譜

卷首

程明道後一人其先生庠貢太僕克慎曰良吏出晉陽者有于青天先生來若相遇也晉人僞之曰後朱子初咸豐二年冬南方盜東下破武昌安慶據金陵北至揚州先生在襄陵驚曰賊巢金陵非羣飛四掠不定其巢晉今雖遠吾懼其飛掠而來如明之流賊也適爲晉陽關三難五易十可守八可征之策其略曰雍冀爲天地積高之府駐建瓴之勢我力能合從則腹背無虞關隴屬齒依之矣晉中富實甲天下內而馬牧金鐵硝磺芻粟之產外而蒙古察哈爾之兵躍躍微需可饒軍實長安偏陸海豪戶不減晉中河西武力關外防秋皆緩急之資也一旦有警甘督出商漢陝撫據潼關與吾爲犄角吾撫軍則率北鎮勁旅扼河爲固踞茅津太陽之閒命廉使率南鎮控太行以防河北其餘若遼州之十八盤平定之井陘口五臺之黑山龍泉諸關可丸泥封也北邊幸無事將軍引綏遠旗兵入鎮行省與藩侯居守副都統移駐大同以完北門我師之出平補爲正澤路爲奇正扼其亢奇拊其背以守則固以征則疆是故漢南有賊甘督爲主秦晉赴之河北有賊我師爲主關隴赴之豫中有賊我與甘軍之赴陝撫者亦如之堅瑕一氣折衝千里此常山蛇勢也於以鞭撻楚蜀控引河洛援中原以屏蔽京師豈不爲桓文之烈哉其條目又有止徵調請便宜嚴賞戮作忠誼右軍謀選鋒銳謹拊循禁科派保殷富息流移諸政繼繼萬言窮日屬案以平陽太守何維嶧撫軍哈芬所信也陳策干之再三

不用及代顏行先生告襄陵人曰賊將至矣賊之勢必渡河而晉無備必入晉既入聞襄陵富必窺襄陵今爲之策燔汾河之舟毀城外之室賊至既不得渡又無所掠此城必可完也邑人以賊遠且燔毀始難之以先生來則既惠去則必哲終從之適籌金合以水利捐餘凡所燔毀估其價賊退復之信鈴邑印而行代還適自秦記哈撫軍如所以告何太守者尤加切焉哈撫軍素不知書既先生策若無觀也納策轅中遽退幕賓教之言適出謂先生曰子之策謂之先事豫防也可謂之未事張皇也可卒不用先生遂引疾亡何揚州賊由鳳毫趨豫跨河撲懷慶八月折而西入晉遷陷垣曲絳縣曲沃進屠平陽又殘洪洞潞城黎城以出喋血千里蹂躪及

朱九江先生集

年譜

三

卷首

幾輔 天子遂以策穀爲憂何太守聞門遇難哈撫軍聞難先逃革職遣戍而襄陵守先生遺策其城特完先生避居五臺待給咨未南歸固束手而賊賊之來矣先生方去襄陵幡然有南歸著述之思猶自奏記事無如何適決引疾蓋以去就力爭先生之仁先生之誼也安邱王萊友孝廉宰晉鄉甯七十耆儒邂逅而說先生春二月甲申先生答書云僕南歸之議往復自決然江楚阻兵未卜戒途何日大誓未刻望分錄給若行篋攜有家集及鄉先正名集亦分數種拙輯國朝名臣言行錄所取資也此書成後尚欲做黃梨洲明儒學案輯一書以答我朝一代儒宗顧不欲分漢學宋學如江鄭堂師承記云也見聞隱陋未知果有成否此先生去

襄陵後一日書也

四年歲在甲寅先生年四十有八

先生猶在山西既給咨未南歸盜氛故也夏六月乙未先生答王萊友書曰近雖栖尋舊宇譬如池魚籠鳥時有山藪江湖之思設秋後內地仍不可通決意道津門航海歸矣幼安危坐巢父掉歌古之人有行之者丈人聞此必謂生好勇過矣過矣兩之邪悲之邪世難方殷靡知所底項領之歎詩雅以嗟然竊惟自古混莽之會元黃戈馬之秋天命民彝必不可以一朝絕不絕則宜有所寄斯斯鉅者宜在脩學好古之儒秦氏以還如伏勝申公計鄒二劉熊安生之倫是也閣下勉旃自愛而已

朱九江先生集

年譜

三

卷首

五年歲在乙卯先生年四十有九

先生南歸夏六月至自山西初先生西行謀於宗師行賁雖苦載歸賁而行曰士大夫以宦爲家不克歸休甘心好巧吾疆項令也不有歸賁可若何於是居晉七年歸賁不作動也及引疾歸道上兵荒豫賁不足次贛州典裘度嶺適至其家

六年歲在丙辰先生年五十

先生居邑學尊經閣宗師舊游之子弟皆從學焉夏六月伯兄率先生聞喪哭失聲既處檢其遺詩曰昔伯兄云佗日吾詩之序敢以煩舊游毋句諸達官貴人也今當從之秋九月英人來寇先生謂從學者曰劉季有言公等皆去吾亦從此逝矣適歸九江已而寇深且北犯先生悲之成疾結筋項下